



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四五七

獻花山房詩存二卷 洪吉撰

一

廢莪室詩草六卷 王槐撰

六五

餘事集六卷 史培撰

一一一

浮生記夢集一卷 陳傳淑撰

二八一

桐華吟館詩稿十二卷桐華吟館詞稿二卷桐華吟館文鈔一卷 楊揆撰

二九一

半日閒齋詩存二卷 清安泰撰

四一一

小澗草堂古今詩集一卷小澗草堂古文集一卷 牟願相撰

四四九

綠天書舍存草六卷 錢楷撰

五二九

恒春吟館詩集二卷 趙佩湘撰

六〇九

煙霞萬古樓文集六卷 王晏撰

六九一

道光丁亥秋鐫

獻季山房詩存

序

丁亥秋攸邑洪生紹祖謁余於麓山半學齋神
見示余讀之乃其尊人翹岡先生所著未及終篇不知
涕之灑然落也翹岡先生者余同年友也甲寅歲余以
鄉試儼屋省垣始晤先生於旅次歡若舊識是科余倖
售而先生僅中副車余方為先生惜而先生不顧也明
年先生捷於鄉來試禮部與余相見於都時挾策奔謁
者相屬而余與先生絕不聞知壹意板援以幾於古晨
夕談藝恒無虛日雖風雨阻期余偶不往先生未嘗不
來也嗣余倖捷南宮先生戰少利將歸為息羽計以余

獻花山房詩存序

言復畱後屢躡春闈遂絕意進取有林下終焉之志而
余與先生亦自是稍契闊矣越廿年余乞假歸里迂道
過攸時先生主其邑東山講席相見之下鬢毛俱斑然
先生豪氣猶昔挑燈話舊恍若隔世酒酣耳熱之際索
先生近作出詩一帙余讀之如飲醇醪而不知其醉也
如夢遊帝所而聆鈞天廣樂之奏也如行山陰歷武夷
而山水之美令人應接不暇也時漏下四鼓余起舞謂
先生曰詩信窮而益工哉此可出以問世矣先生笑頷
之別後數載余主麓山講席而先生訃音至余哭之急
欲詢其後事無由迄甲申歲生詣院受業接見間叩先

生著作則謂先人文多散逸幸詩有成帙尙未就梓余慨然曰是蓋余向者欲先生出以問世者也夫爲人子者苟可以揚親之名則莫不當竭力而爲之况先生之詩之實足傳世而行遠乎生其慎承厥志矣生曰然今生果克歲其事因綴數語於篇端非謂有當於先生之詩之高深亦藉是敘余與先生交情之始終以寄悲思於萬一云爾時道光丁亥菊秋年愚弟坦齋歐陽厚均序

獻花山房詩存

序

二

序

風雅代興楚湘爲盛屈原宋玉唐勒景差上追比興扇芬播豔嗣是作者溯流窮源循途順軌以是爲濫觴爲權輿焉所以然者美人香草揚其幽芳瀟水衡雲助茲奇藻湖周八百餘里盪詞客之胸衿嶽圍七十二峯豁高人之眼界自古在昔實繁有徒

國朝以來滄洲而外古攸一邑繼起多賢彭湘南以楚澤之布衣爲梁園之上客而其時陳蘭莊行吟秋水見寶湘南余少與蘭莊稱忘年交結同社友猶憶星沙客邸賈傳祠邊酒盞招邀詩筒往返青燈照影白雪侵簾

獻花山房詩存

序

三

夜柝之聲屢催雨臆之談未已洎余計偕北上蘭莊亦襆被南歸良時一過遂成永訣其與蘭莊齊名者則我洪君翹岡其人也兩人同居里閭爭長詞壇抱璞同傷遺珠誰惜蘭莊屢曠場屋以入貲而始克爲廣文翹岡初中副車迨鄉貢而終未成進士豈果文憎命達詩能窮人而使兩人者懷才未伸賚志以歿邪翹岡以甲寅與家兄偕遊蟾窟迄乙卯又與余共賦鹿鳴故相知之深與蘭莊等而寄情之遠與秋水同曩聞著有詩集頃者友人夏君因諸孤之囑攜贖稿來京以余同年欲爲製序余謂秋水諸集爲生前所審定翹岡獻花一編乃

身後所畱遺余不能仿丁敬禮定陳思之文負茲死友
竊欲傲歐陽修序聖俞之集闡彼詩名因於存刪畧有
商酌猶憶余與翹岡泊棹寒江停驂古道斜陽燕市擊
箠高歌曉月盧溝揚鞭逕去或撫今而感遇每弔古以
生悲泪灑千秋目空一世歎飛絮落花之無定悵笨車
羸馬以何之客路同話風塵家居反違雲樹迫予重遊
於芸館而君已早返夫道山又念余與蘭莊翹岡皆以
文字訂緣鄉關結契而兩人應劉偕逝皮陸難逢蓋悲
夫山陽之笛難聞廣陵之散易歇不禁掩卷而嗚咽濡
毫而悽愴矣時道光丙戌秋孟年愚弟聶銑敏序於京

獻花山房詩存

序

四

鄜之近光堂

獻花山房詩存

序

韓子曰陳言務去憂憂其難又曰氣水也言浮物也水
大而物之浮者大小畢浮氣盛則言之短長與聲之高
下皆宜孫可之云辭必高然後爲奇意必深然後爲工
煥然如日月之經天也炳然如虎豹之異犬羊也此論
爲文之道惟詩亦然工部語不驚人死不休子瞻筆所
未到氣已吞其言實相表裏則詩與文無二道也余少
與洪友翹岡結吟社歲時策蹇過從流連累月或半月
樽酒談心上下古今自宵達旦猶誦誦不置翹岡資稟
奇特枕經胙史爲文獨出機杼不主故常乾隆乙卯科
獻花山房詩存

序

五

由副車登賢書才名藉甚其詩則心醉全唐悠然有得
故佳句流傳可泣可歌有颯颯移人之致而余則自漢
魏以迄宋明諸名輩洎今之作者泛覽流觀意無專注
兩人意匠各殊故程材亦異願以余擬翹岡若蒹葭倚
玉樹然昔賢云晉人之文文中有詩宋人之詩詩中有
文豈虛語歟嗣是各以事牽合併日少雖未必如馬依
北風鳥巢南枝而暮雲春樹咫尺有天涯之感焉前歲
翹岡手錄其平生詩篇分上下卷寄書屬余論定余謬
以己見甲乙之曜靈急節歲月如流而翹岡竟返道山
矣今春少子紹祖素冠散屨冒雨叩門復攜其原稿請

三

曰先人手澤盡在是不謀諸梓人將付之荒煙蔓草矣
其謂之何余把卷歎歎披緝再四因歎曩者之猶未盡
翫岡也爰畧陳其梗概願以質諸

當代博物君子道光辛巳元年季春月姻愚弟敘齋陳
敬疇序

獻花山房詩存

六

自序

余幼先君子即以文選漢魏六朝古詩為日課而未授
四聲學稍長從叔鑑堂遊始學為近體後師於劉公綱
邨暨諸益友倡和未嘗一日輟吟但隨得隨失無定草
也今年六十矣乃訪諸同學手抄不計工拙彙繕成帙
非敢自附於作者聊以一生心血揭示兒曹而已其間
為通為塞為喜為愁為因人因己遇不同情則一故以
年次之曰獻花山房者金仙獻花漕溪之勝也余居此
有年故以名之嘉慶二十三年歲在戊寅菊秋下澣翹
岡洪吉自識

獻花山房詩存

卷上 自序

七

獻花山房詩存卷上

楚攸洪 吉翊岡著

念祖 既芸

男榮祖 與耕校字

紹祖 聞甫

烏反哺歌 丙申

有烏有烏山之麓母兮育我羽將禿東搏黍兮西啄粟
白日晴天飛逐逐中途有鳴梟見之瞋且嘲我饑母作
嗚願分片肉代汝庖烏聞益哀鳴我母倦羽翼飛搶固
不能決起亦不得烏兮烏兮何時息

獻花山房詩存卷上

新婦曲

有婦有婦拜舅姑三日作羹初入廚作女恨不作婦早
作婦何如作女好洗手憐指尖倏忽不摻摻剖蓮識心
苦破瓜知子甜勿謂劬勞操井臼今年新婦明年母

送陳氏妹

同葉復同根相生復相憐倦言高堂上白髮何紛紛骨
月嗟孤獨五尺誰應門習處忘悲歡含意在不言一朝
念際隔恩情日以殷珍重修巾櫛毋勞厘寒暄

夾山閣晚興 丁酉

有客臨風思渺然騰身直上翠微顛千家落日窗中岫

獻花山房詩存

一抹殘霞檻外天人語靜聽山答響野炊深見樹籠煙
等閒不負嫦娥約今夜東林月正圓

挑起佛前燈 限僧字同家西園賦

挑起佛前燈匹羈一老僧午春猶未晚米熟問盧能

挑起佛前燈真如會未能山風吹芋火可是懶殘僧

麗人詩次唐茂才啟緒韻 有序

服被羅紈歌聞繡戶鞦提金縷月滿香階行雨
行雲夜入襄王之夢傾城傾國春傷武帝之心
思續命以何年綠珠空去願同歡於異日碧玉
無歸夜夜約黃拋去孫和之膝年年點翠畫來

獻花山房詩存卷上

張敞之看乃知洞有迷香盡學士風流之藪湖
多春色正文人歌咏之場唱行樂之新詞昭陽
第一譜清平之絕調天寶無雙新貴狀頭斜背
明璫之句狂言太守兩行紅粉之章莫不錦織
扶風文成翳翠笙吹洛浦聲作鳳皇更有晡夕
桂裳巖畔文履流風迴雪描窈窕之奇觀舞鳳
游鸞狀神仙之逸態人如初日思若湧泉始知
我見猶憐亦復誰能遣此顧花非春而誰吐珠
不夜以奚光滴粉搓酥各言爾志裁紅暈碧別
有我思繡段金刀豈真美人贈我女蘿孤竹何

妨賤妾思君故其結想多空莫莫朝朝之景及其寫懷如霜盈盈脈脈之容某貌愧王恭情憐宋玉敢擬騷人之善賦幾同女子之多懷竟日

簪花雅學夫人之步頻年咏絮竊慚老婢之聲柳有香奩未嫁韓偓非無美錦難貽寶酒迺者

客住東隣大有玉釵之製人來南國相傳金粉之篇工花柳之新聞極綺羅之勝事共薦孟陬

之席豈容嫫母之妝正恐左思好遊難禁唾面還虞西子不潔空效捧心然而弱冠偷夫能歌

魏蜀白頭宮女慣說開元編雅調於華陽梳妝

感花山房詩存

卷上

三

作記訪閒情於彭澤莞席打詞是耶非耶既依

稀其可接天也帝也且彷彿而來前嗟乎長安富兒不解文字陽阿少婦素善筌篲隔巷停車

個個何郎之粉天津走馬人人韓掾之香宋子侯之吟良有以也陌上桑之賦豈無故哉

樓上

十二鐘聲度景陽侍兒扶起曉梳妝雲裳舊約吳宮錦金粉新搓魏殿香但覺乘春憐晝短不嫌問夜數更長誰知盼盼魂銷日歌舞空來燕子忙

簾中

海棠風靜一桁垂如夢如癡春醉時翠羽多情依鳳頸蝦鬚著意護蛾眉鳥因解語丁寧入月亦偷香子細窺誰倩雪衣呼李十頻催小玉下羅帷

燈下

銀釵斜背玉釵橫一夜春思滿鳳城錦字初題長嘆息鴛鴦恰繡未分明落花有喜心相許索史無端恨又生寄語紅裳幡下女吟詩莫漫動幽情

曝衣

去年買得羅江絹作意裁量細添線知郎不好新縫衣幾度新浴羞自獻輕寒乍被三月春樓前翠羽何紛紛

感花山房詩存

卷上

四

舊褶開向花欄側日氣初涵花氣熏珍重清香莫使逗東風不管郎身瘦

擬意

海客秋風泛遠槎人間天上好緣賒牽牛若問支機石悔倩黃姑夜浣紗

東隣

東隣少婦西隣女三三兩兩首延佇清明牆外看秋千清明花事春可憐著意尋春無跡薔薇似笑杜鵑泣歸來玉筍破粉痕柳梢明月又黃昏含情願訴梁間燕阿母殷勤催針線

觀釣

山溪春雨漲澄潭二月肥魚美且甘何處將船逢漫叟
大回之北小回南

立秋有感

自問何寥廓秋風病裏驚懷人詩最苦撥悶酒無情已
厭寒螢語還愁落葉聲非關榮與悴不盡是平生

遣意

臥病偏多暇長歌復短吟古人何所事天地本無心有
月堪忘酒闌松不愛琴茂陵風雨夜秋色任相侵

閒居四首

戊戌

獻花山房詩存卷上

五

鎖日村庄靜掩關披來古帙色斑爛性迂肯向人爭熱
身病還欣我足閒午倦有時澆綠酒春遊無夢到青山
忘情一任鶯花鬧底逐鞭絲帽影間

獻歲新華怯薄寒此心惟有勉加餐故人書至燒紅蠟
孤館月來熏紫檀習靜始知天地廓馳思真覺古今寬
維摩有病花初落欲叩禪關問涅槃

暮暮焚香縷縷煙吸來微露沁心田須知此事元非俗
何必前身不是仙萬片飛花縈好夢一聲啼鳥破芳年
山風又帶溪雲入觸撥詩情正渺然

何事問余堪自任清香一瓣古人心先生欲去相扶杖

獻花山房詩存

童子奚來與抱琴得句默時難信穩讀書疑處不求深
茂陵風雨知多少斗室光芒午漏沈

東劉絢村先生

天涯鴈過又逢秋芒屨紗帷省舊遊無已孰吟長閉戶
仲宣作賦喜登樓何時載酒從君後此日論文許我不
夜雨山陰猶昨夢剡溪重上木蘭舟

東陳微齋

己亥

茶鼎琴牀竹影中小闌亭午日冲融一年草色春將老
千里歸心月正同宿酒懷人三歲字寒衾尋夢五更風
寄聲報爾嶺頭客只有梅花音信通

獻花山房詩存

卷上

六

送牧圃叔之新田館

年年客思重行行飄泊陸莊無定情館閣文章懸夙價
風塵書劍老平生莫言世路黃金窄恰有襟懷白壁清
檢點奚奴春又半柳煙江上雨初晴

聞張北上腹痛

閉門風雨打蓬廬一紙驚心臥病書不信承塵來野鳥
可堪胷井泣河魚夜寒蚤怯春衣薄愁重深憐酒盞疏
燭地燈殘人不寐東陽瘦骨竟何如

無題

文君新算日碧玉破瓜時豆蔻含春淚芙蓉臥晚枝桂

裳初入夢羅襪舊相思司馬中消甚瑤琴欲奏遲

感懷 庚子

風雨纔過日又斜倚盛情向計年華常將兩眼供多泪
已度三春不識花媿說嫩臨毛義宅虛聞賦買馬卿家
揜關寂寞情懷亂回首蹉跎歲月賒

同陳敘齋登文昌閣聯句二十四韻

峭磴蘿牽頻訪勝洪巖屏雲鎖幾經秋趁林野鳥雙翎

入陳衝徑寒僧一笠投閒坐蒲團心習靜洪警當瓊樹

目凝幽劇憐元度常尋地陳欣伴宣城再上樓四面蒼

山排闥出洪一灣碧水護田流憂聲樵斧剗巖脚陳搖

影漁竿釣石頭畦窄晚蔬抽綠嫩洪村空落葉糝紅稠

魚鱗瓦縷高低屋陳麕眼籬穿大小邱鸚鵡啄隨稅粒

盡洪鷺薦棲爲荻花畱誰家黃耳吠行客陳是處青帘

接醉侯當檻鳥鳴還自和洪倚欄人望爲誰愁日烘鴈

齒常移柱陳風動蝦鬚半下鉤孺子迎來竹呼馬洪牧

童歸去笛吹牛依稀遠岫輕煙合陳掠亂平皋暝色浮

庾老料能頻遺興洪王公祗合假銷憂休將好景供虛

擲陳卻撥清懷尙逗邇風悟剛來參六道洪新吟已解

化三偷十年相業思煨芋陳五蘊禪關看踢毬天竺奇

葩噴法口洪玉泉香茗漱詩喉傳杯便了言辭拙陳陪

座沙彌意興悠相對盧胡蘇嘯發洪幾回唱喏宋儀優

墊巾不屑逢時樣陳解帶何妨記勝遊嚴樂才應馳

御苑洪阮劉跡偶寄仙洲未知此地從君後陳更有何

人許我不洪

送李大鵬歸岳陽

秋空鴈翼刷寒雲回首重湖入夢頻底事蹉跎虛歲月

誰憐漂泊混風塵媿無蘭佩贈騷客長有錯刀嗟美人

木落亭皋霜葉晚楚天南望一逡巡

將之館示內

長憶上堂拜阿姑只看泪落如連珠無多別日丁寧語

獻花山房詩存卷上

早晚靈筵飯一盂

家計還從問短長近來操作費平章故園尙有龍陽橋

莫笑荒零陸氏莊

惡說當年事不諧欣聞此後老同僧蜀茶莫漫愁空寄

未必黔婁百事乖

長歌柬陳敘齋時初入嘯廬館舍也

漕溪鎮日揜雙扉一春不出秋又歸坐臥只多行立少

泪眼怯風不忍開故人多情重古誼三徑清風惠然至

聞我柴門坐我牀便問近來筆硯事我聞嗚噎以失聲

欲話淒涼不可聽夢我誦罷難成句硯常涸今筆不靈

愁鬱鬱其誰與語側身天地若無所莫道昌谷嘔心肝
惟有相如渴肺腑君曰如子所言在於疇也不謂然不
聞草木無聲而風撓金石擊之而洪宣鬱於中斯洩於
外歌也哭也是天籟擇其善鳴者鳴之荀卿屈子莊周
輩古亦有言是我師不記杜子荀鶴詞乍可百年無稱
意難教一日不吟詩我心聞之如鑰啟君之誨我良有
以黃酒攜琴請君歌先爲高山後流水使我手足忘舞
蹈胸中壘塊且自澆破涕爲笑忍今日悲歌當泣是我
曹篋中舊拾藤角在龍尾鳳鬚且兼備一歌再歌悲不
禁寫盡平生不得志新冬苦雨十日泥一日不雨便相

獻花山房詩存

卷上

九

隨君好登山我好寺錦囊香腕手親攜還如王播空乘
興木蘭院裏殘鐘磬題詩多在塵壁間管取他年碧紗
映但覺高歌有鬼神惟我與爾更何人上追李杜無檢
束近溯蘇黃一問津投筆仰天長嘆矣我輩豈是蓬蒿
子蛟長自異三千鱗鵬欲搏九萬里我貧無乘君布
衣說他裘馬耀輕肥丈夫不久居貧賤昨日今日孰是
非一日
君門高射策文章有價重鸞掖卽今年才二十餘好是
爲人潔白哲有時飛興縱高談胸涵湖海氣吞山好風
爲我滌羅垢明月爲我送清酣欲泣欲歌江天莫野鶩

無心任來去無端石州唱匆匆征夫導余以前路別我
故人意漫漫太息生涯首猶盤鄭圃幾年還嫁衛荊州
別後又疏韓自從相遇減多病一日爲客憂愁併強將
笑語奉主人縱有詩歌只自贈臘月二日得家書云是
故人已回車灞橋楊柳看又發傷心折枝誰與俱應念
我友雲山裏道路云遙心尙遲停驂爲我幾躊躇欲語
飛鳥西北止余亦悵望大江頭白雲天外水悠悠異鄉
雪夜路不識茫茫難問剡溪舟他日相逢枝風雨知訝
太瘦共如許不爲從前作詩勞只緣別後相思苦

內弟北上悼亡感賦

獻花山房詩存

卷一

十

江家幾夜敘情歡親學柝榔晉玉盤毳畫羅衰裁未了
秋風刀尺一聲殘

曾看花燭對銀釭空計當年壁一雙他日沙哥向東去
春風腸斷碧油幢

嘯廬雪齋一梅蚤發因念去歲客此花開悵拈四

韻寄張十四丈鳴階

牆頭殘雪一花枝今日相看似去時花能今日再含笑
人較去時多自悲莫道折來傷歲莫何如寄去慰離思
江南腸斷春光漏報我故人知未知

嘯廬得外舅築塾書以遷居見召卻呈

新愁舊恨兩如何，瞥覩長天一鴈過。雲裏緘封勞鄭重，雪中開看喜摩挲。馬卿病後多風雨，杜老堂成足嘯歌。自欲溯洄慰離思，傷心客舍又蹉跎。

斷酒久矣一日嘯廬主人勸飲至醉卽席口占
瘦骨情銷肺腑餘，茶親只合酒杯疏。狂吟今日開涓滴，剛到醉鄉天地初。

幾日高情景孟公，井中投轄舊家風。愁腸底事生芒角，劇喜松醪一醉同。

春日訪賀戒軒 辛丑

一尊曾共說風流，別後天涯又幾秋。今日相思得相見，虛花山房詩在卷上

暫時言喜莫言愁，多情難黍畱前約。無數鶯花供勝遊，堪笑泉明猶止酒。近來空羨醉鄉侯。

春草

踏青人去百花翻，一種蘼蕪供細論。三徑未荒元亮宅，百年常伴杜陵門。相看曉日新煙影，不似秋風舊燒痕。鬪少羸多春欲莫，誰家白打又黃昏。

離披莫復翦毵毵，野色晴光共蔚藍。風雨一天迷尺五，煙花滿地作重三。文通賦日情難遣，謝萬遊時思不堪。聞道洞庭有歸客，白蘋洲上憶江南。

春柳

誰道逢春不寂寥，折枝到處欲魂銷。聽中長笛三年別，夢裏故園千里遙。清弋江邊風翦翦，白門亭畔雨瀟瀟。行人更指城西路，一勾橫渠舊板橋。

點點春光逐水流，濃春暝色似殘秋。西風繫馬人何處，明月啼鴉客自愁。和雨和煙芳草道，半迎半送木蘭舟。武昌無限新栽恨，莫綰雲翹上翠樓。

春柳四首用阮亭先生秋柳詩韻

一樹依依欲斷魂，思春不獨玉關門。才看陌上傷心色，已有行人別淚痕。燕子飛來青草岸，鶯兒啼破綠煙村。板橋流水今重過，十五年前合再論。

虛花山房詩在卷上

霏霏猶颭曉風霜，吹遍柔條綰野塘。玉佩亂翻金縷帶，翠衣新出綵雲箱。眉從畫後思京兆，腰到織時問楚王。好共海棠看不足，青鸞又過碧雞坊。

殘春薄絮不勝衣，卻惹征塵路已非。清弋江邨人去晚，白門風雨鴈來稀。馬前芳草同時綠，笛裏梅花一樣飛。何處故園今夕夢，天涯倦客壯心違。

江北江南春可憐，千條斜日萬行煙。館娃香散餘金粉，水國花開似木綿。吟到洛中初二月，別來都下已三年。東風舞盡無人見，猶自絲絲暮雨邊。

寒食絕句

未聞絕水聞禁火沈江人往憶茨山青麴白鳥傷心日
綿上年年風雨開

春月山家風味好已傾社酒百千杯楊柳飯蒸青青色
更出雕盤畫卯來

冷煙江上數株柳寒食東風故故斜已是鸚來栖不定
更驚燕去阿誰家

江南曲

夕陽流水各東西三月江南草色齊爲語哥哥行不得
春山一路鷓鴣啼

布穀吟

獻花山房詩存

卷上

七

麥方割禾正插三月春陰毛雨濕郭公怒婦逐林中婦
去高飛聲喋喋家家撒穀天將晴日高呼婦婦不磨一
根兩根家緣了婦兮婦兮歸且鳴阿公阿婆母相怒晴
林竝宿雨何處勸言郭嫂休打婆買鏡忙忙脫破袴一
百八箇何時休小兒吹芋黃褐疾布穀布穀聲悲切肯
向人間化金鈎

鷓鴣吟

杜薄州南不北去哥哥行不得青草湖邊空落暉黃茅
岡頭只寒月去年曾憶鳳城歸鈎勒格磔何哀哀今年
更向江南去東風日莫越王臺畫欄杆外堆媒小梨花

獻花山房詩存

閉門春將老越女畫罷秦姬歌雙雙飛出狹斜道願借
丹青筆親貼繡羅襦莫爲悞惱曲終日懷澤家鷓鴣鷓
鴣恨何窮年年啼向五更風

論詩四韻東陳蘭莊

座中曾唱鷓鴣曲醉後猶歌阿鵲鹽晉墨能增惟尹鐸
趙城難下孰家恬不爲千金忘傲帚宜從一日得新綠
芙蓉江上秋蒲老鮫室龍梭半押簾

立秋前一日晚遊贈何晉錫

碧水橋邊綠葉林清風爲我一開襟疏籬曲塢分殘照
古樹高仰接曠陰對此天涯同作客卽今時序又驚心

獻花山房詩存

卷上

四

鳴蟬已入迎秋意憶事懷人感越吟

新秋有懷劉梅莊陳敘齋

日落山蟬一樹鳴寒砧暗起蚤秋聲碧波江上搖鄉夢
白裕天涯繫旅情夙病尙餘司馬渴新詩難竝皎公清
又看楊柳殘煙色不似東風唱渭城

春日會
共豚柳

憶客秋舊遊東陳敘齋

幾回載酒赴花邀踏遍江籬竝野橋簷雨夜深殘伏枕
山看秋老澁寒飄雲來絕嶠無妨住鶴放孤亭不待招
回首城南新咏好青苔黃葉又蕭寥

哭張外兄集彥

去年清明後君來哭予母子之母兮君之姑相對泪落
如連珠今年中秋節予來哭君宅君不見兮予心傷有
母頭白兒口黃嗚呼人生到此夫何論秋風秋雨落日
昏子母泉下不可知君今一去應見之見君如相問道
予瘦骨肥勿作淒涼語令我母心悲

枕上

已過秋分節便悲秋夜長蟲聲時在壁客夢不離鄉彷彿
聞人語朦朧見月光只憐損幽意好事尙悠揚

九日

九月九日風光好破帽敝巾吹草草山南山北雨模糊

獻花山房詩存

卷上

五

一抹寒煙四圍綠不知登高何處是雙峯擬在重雲表
他席菜羹西閣香故園菊花東籬老年年風雨愁逢秋
直到重陽恨秋少

進香曲

邑之四十六都有李夫人廟香火最盛

小姑南陌採柔桑也整斜鬟拜畫堂蜀婦吳蠶一時熟
不勞歸祭馬頭娘

吳頭楚尾隔鄉關太息藁砧山上山但祝秋風吹五兩
蚤看明月上刀環

莫愁十六未生兒不願於菟願石麒麟夜半蘭闥香夢醒
語郎早擬贖兒詞

東劉萊筠

長憶江皋竝轡行青旗紅板麴香清身家別後憐多故
朋舊凋時畏訊名斗酒疏狂輸曩日尺書麓畧見平生
莫雲無際南天濶蘆荻洲邊鴈一聲

冬日山莊雜咏

移家林麓下茅屋數椽分掃徑畱紅葉開廳約白雲太
平婚嫁蚤小富織耕勤但問冬春米其他不足云
終日愚公谷寂寥人見稀雞聲出林遠煙火隔溪微蘿
斷山披帶雲殘石綻衣前坡何處是一叟荷鋤歸
架成三兩竹已自覺堂均插地編雞柵巡簷安鳥巢牆

獻花山房詩存

卷上

二六

頭松竝矮水面石生顛時有人來去相逢鶴不嘲
數載誅茅地便成安樂窩晚風迎少女生日祝寒婆子
至頻呼蟬媒來且喚囡田家好閒事相趁夕陽多
滿空浮暝色依約數歸禽日落風關戶煙深雨宿林然
松當銀蠟叩岳抵瑤琴更喚鄰翁起寒醪共小斟
尋山無盡境山路白雲遮流出一溪水散分三兩家黃
浮霜後橋綠煮雨前茶借問東坡叟移尊就石窪
行行又一村竹裏半開門少子皆為父羸翁已抱孫呼
童敲藥白勸客倒匏尊笑指生涯樹無妨歲歲光
小兒雙鬢額竹馬午衝塵慣識隣家路相知里社人敲

鐵時作釣飯土亦延賓過客如相問磨云未負薪

山中多物候野老識天時
已自課晴雨無人占畢箕
一雙霜屬信三九玉梅期
徑欲乘春早翻嫌甲子遲
時節春方小山深日已長
人禽無智械松竹有笙簧
屋質雲爲補聽帷月與張
便安獨眠榻卽是讀書堂

春夜論詩東陳曉邨烟丈 壬寅

雨漬春陰夢亦寒孤燈朱墨夜闌珊
每逢聯句懷何遜獨對長吟憶李端
韻得無心疑太易思因有迹苦持難
撚鬢欲斷空搔首不敢矜言一字安

寒食有懷嘯廬舊館東陳迪齋

獻花山房詩存 卷上

七

東風三月曉鶯天憶昨狂歌戀客尊
酒花前人去遠簾聲江上夢經年
青蒲綠柳分春色麥粥榆羹入野筵
記取韶華相料理晴廳細咏杜陵篇

清明

東風料理踏青天綠戰紅酣劇可憐
十里陂塘鴉噪雨一江楊柳笛吹煙
何時得識金蓮燭有客從看繡羽船
莫遣閒情負春色杏花開盡酒旗邊

和家鶴園祖清明偶興

連朝陰雨減春暉潑火新晴破曉霏
曉喚夢牕前鶯舌老懷人江上鴈書稀
客中芳草慵紉佩塵裏楊花欲上衣

獻花山房詩存

何似香山白居易肩輿緩緩醉吟歸

上已同友人擬詩未得別後有懷因寄
江梅開過野桃紅怪得烏馳景不窮
三日光陰畱客雨一春心事落花風
流鶯歌罷人初去蝴蝶飛來夢又通
記取蘭亭好詩句醱醺爛醉與誰同

答家竹喚

落日隨潮入遠江乘流曾寄纏雙雙
殘燈幾度青蘊夜清夢時飛碧綺
牕半勺寒泉浮雀舌一鋤春雨護雞腔
勞君報我殷勤語觸撥閒愁借酒降

張子某弱冠嗜學舊臘出制執索訂鴻飛申逗越

獻花山房詩存 卷上

七

春始至讀其文清新秀逸而死生有命二首言之
悽惻心甚悼焉天音果至感賦四韻哭之
幾年風雨別寒籌時有清思軋軋抽春鴈
山高飛尙晚夜鶻花落聽交愁三生夢了黃梁枕
一紙書催白玉樓

可恨文章成讖語夕陽西去水東流

讀鑑堂叔稟有感

憶昨閒遊小阮隨竹林長日捋吟髭
戲朝花笑多春醉除破詩壘獨酒知
一徑香風鄭公草三年夜雨董生帷
何當鳳脰寒深夕果是焰殘山鬼吹

案中有焰殘山鬼吹之句

尚諱西園訪諱靜軒於雲峯寺

石磴捫蘿快一騎上方清淨白雲栖偶因吟咏思皮陸
莫以疏狂笑阮嵇粥鼓魚鐘元自在詩囊茗椀正堪攜
雲峯便是東林社三嘯人來憶虎溪

宿雲峯寺

山空松落夜更深邀月偃雲共細吟滿院花香幽鶴夢
一牀風雨故人心閒澆白墮酬三雅醉看青萍抵萬金
今日題詩木蘭寺何年紗罩護庭陰

賦得牀頭新聘竹夫人

新得玉人三尺高碧紗帳裏夢偏勞何憐白傅街頭柳
不羨王郎渡口桃洛水剛疑賦羅襪茂陵休漫咏錢刀

獻花山房詩存

卷上

尤

一軒涼月橫陳夜幾悞行雲拂玉搔

賦得梔子同心好贈人

一枝依約畫樓東早識芳心未易通鸚鵡簾開人不至
鴛鴦被隔夢難同綿綿遠道三春雨翠翠相思五夜風
惆悵寄君君記否闌干泪灑繡衣紅

何處關人別緒深華林亭午鎖輕陰寄來繡段思千里
畱得金環誓一心桃葉渡頭歌宛轉梅花簾裏夢飛沈
可堪風雨無持贈盡日凭欄思不禁

張綏園姻丈見過別後因寄

山館幽深夏日涼高人佩劍吐清光莫愁玉樹經年別

忽把銀卮共夜長杜曲來時憐草色令公去後想衣香
西廳蠟燭南樓月一紙憑君草八行

古詞十首答陳迪齋

即在鏡湖東妾住蓮塘北朝朝開畫簾憶上芙蓉幟
小髻初覆額偷照菱花鏡今綰作盤龍一枝玉釵映
十三彈琵琶十五吹箏栗十六從湘女學鼓雲和瑟
采桑爲蠶飢纈絲見蠶死拜簇終日忙添梯猶未止
白華儂璘藉黃金儂脚躑躅纖纖日一疋新人故不如
纖纖羅江絹與郎持作衣臨縫停鍼線昨夜夢郎歸
不捲雙文簾且下水晶帷近來有好夢生怕黃鸞兒

獻花山房詩存

卷二

辛

南塘白蓮花未作碧絲藕娟娟采蓮人羨殺鴛鴦偶
誰家五馬郎黃金漫相詫妾是秦羅敷不問臨叩夜
秋月下長干春風湖上宿早晚潮有信無俟金錢卜

春莫二首

癸卯

東風三月雨如絲落盡春花未捲帷瘦甚稍逢寒氣怯
臥多虛負日光遲酒腸病後餘蕉葉別夢殘時更子規
欲問沈郎帶圍減向來不是爲吟詩
江天日莫白雲飛十里濃陰鎖翠微寒食清明三月晚
柳花芳草一尊違新詩每向經年得歧路方驚昨夢非
燕子巢乾鶯舌老開簾又爲放春歸